

## HEADLINES

۱۔ لیفٹیننٹ گورنر منوج سنہا نے جموں مانہ سیلاب تیں متاثری خانداناں واسطے منعقد کیا گیا صحت کیمپ غو دورو کیو تے قومی شاہراہ غی بحالی بارے کماں غو جائیزو لیو۔  
۲۔ لیفٹیننٹ گورنر تے وزیر اعلیٰ نے گلگام مانہ شہید فوجیاں نانہ خراج تحسین پیش کیو۔  
۳۔ چیف سیکرٹری اٹل ڈولو نے سابق فوجیاں غی فلاح وبہبود واسطے فلاحی اقدامات ور تفصیلی گل بات کی۔

۴۔ پونچھ ضلع مانہ زمین دھسن سنگ متی تعداد مانہ عمارت متاثر ہوئی ہیں۔  
۵۔ محکمہ موسمیات نے دسیو کہ جموں کشمیر مانہ بدستوار موسم ابرالود ربن غے نال ہلکی بارش پینگی توقع ہے جدکہ جموں سرینگر قومی شاہراہ مسلسل 8 ویں تہاڑے وی بند ہے۔

\*\*\*\*\*

## LG HEALTH CAMP

لیفٹیننٹ گورنر منوج سنہا نے اج ادھمپور غا تھارڈ گراں گو دورو کیو تے قومی شاہراہ غی ھالی بارے کم گو جائیزو لیو لیفٹیننٹ گورنر نانہ آر ای سیادو جہرا جموں کشمیر قومی شاہراہ اتھارٹی غا آفیسر ہیں نے آگاہ کرایو کہ کم جلد مکمل کرن واسطے مزدور تے مشنیری لائی گئی ہے اُنہاں نے کہیو کہ ٹیم دن رات کم کر رہی ہے تے جلد ہی ایک لین آمدرفت واسطے کھول دتی جے گی۔ لیفٹیننٹ گورنر منوج سنہا ادھمپور مانہ گجر بکروال ہوسٹل جکھینی مانہ صحت مہکمہ غی طرفوں لایا گیا صحت کیمپ غو وی معائینو کیو اس تیں پہلاں ایل جی موصوف نے اج راجیو کالونی جموں مانہ صحت کیمپ گو دورو لیو جہڑو سیلاب تیں متاثرہ خانداناں واسطے منعقد کیو گیو تھو اُنہاں نے متاثرہ خانداناں تیں ملاقات کی تے اُن غی پریشانیاں نانہ سُنیو۔

\*\*\*\*\*

## LG CM TRIBUTES

لیفٹیننٹ گورنر منوج سنہا نے اج گلگام آپریشن مانہ شہید ہوا دو فوجی جواناں نانہ خراج عقیدت پیش کیو اُنہاں نے کہیو کہ اُن غی بہادری تے قربانی ہمیشہ یاد رکھی جیں غی ایل جی موصوف نے کہیو کہ اُن غی ہم دردی شہید فوجیاں گا اہل خانہ نال ہے ملک اس مشکل وقت مانہ اُن غے نال کھلو ہے وزیر اعلیٰ عمر عبداللہ نے اج ان بہادر فوجیاں ور پھولاں غی چادر چاڑی تے اُن غی قربانی نانہ خراج تحسین پیش کیو۔ وزیر اعلیٰ نے کہیو کہ ان غی بے مثال ہمت ثابت قدمی تے قربانی نانہ ہمیشہ یاد رکھیو جے غو۔

\*\*\*\*\*

## CS ESW

چیف سیکرٹری اٹل ڈلو نے اج وزارت دفاع غا سیکرٹری سابق فوجیاں غی فلاح وبہبود بارے ڈاکٹر تن چندرا غے نال تفصیلی ملاقات کی تانجے جموں کشمیر مانہ سابق فوجیاں غی فلاح وبہبود گا منصوباں ور گل بات کی جاسکے اس دوران کئی اہم موضوعات زیر بحث آیا جن مانہ سابق فوجیاں غی مکمل معلومات آن لائن کرن غی منصوبہ بندی شامل ہے تانجے اُس نانہ آسانی سنگ چلايو جاسکے۔ نال یوہ وی طے کی وگیو کہ حکومت غی ملازمتاں مانہ سابق فوجیاں غا کوٹہ غے تحت درخواست دین غی سہولت اُن گا آخری سال مانہ دتی جے گی۔

\*\*\*\*\*

## GST REFORMS

جموں کشمیر غا رہائیشیاں تے تاجراں نے حکومت غی جانب تیں حال ہی مانہہ جی ایس ٹی غی شرحاں مانہہ کمی غو خیر مقدم کیو ہے اج ہم گھراں تے تعمیرات غا شعبہ مانہہ کی گئی اصلاحات ور نظر کہلپیں گا جن مانہہ اہم تعمیراتی مواد ور جی ایس ٹی غی شرح مانہہ کمی کی گئی ہے سیمنٹ ور جس ور پہلاں 28 فی صد جی ایس ٹی لگے تھی بُن 18 فی صد ور آگٹیہے ماربل، گرانائیٹ تے سینڈ لائیم اٹ جیسی اشیاء غی شرح 12 فی صد تیں کہٹ ہو غے صرف 5 فی صد رہ گئی ہے اسی طرح بانس غی فلورنگ لکڑی غا کھڑی بنان غو سامان سامان رکھن آلو ڈبو، تے پلاسٹ غو ڈھانچو جس ور بُن 5 فی صد جی ایس ٹی لگے غو جھڑو پہلاں 12 فی صد تھو۔

\*\*\*\*\*

## PROG ANN

علاقائی خبراں آلا شعبہ آکاشوانی جموں غی طرفوں معاشی بدلاؤ گے زریعہ ترقی کی رفتار نانہہ بدھان ور اک خصوصی گل بات گو پروگرام پیش کیو جے گو۔ یوہ پروگرام سیوا سپتھا 2025 کی تقریب گا سلسلہ مانہہ 10 ستمبر یعنی بدھار آلا تہاڑے دوپہر 12 بج غے 30 منٹاں ور نشر کیو جے غو اس پروگرام مانہہ مہارا مہمان جموں یونیورسٹی گا معاشی یعنی اینامکس گ اشعبہ توں تعلق رکھن آلا پروفیسر دینکر سینی گپتا وے گا جد کہ پروگرام کی میزبانی جگموہن شرما تے کنال شریوٹس کریں گا اس ضمن مانہہ اس طرح غی مزید نشریات واسطے میڈیم ویو 303 میٹر یعنی 990 کلو ہٹز تے ایف ایم 100 عشریہ 3 ور آکاشوانی جموں سنگ جڑیا ریں۔

\*\*\*\*\*

## LAND SINKING

ضلع پونچھ غا ایک گھراں مانہہ اج زمین دھسن نال رہائشی کوٹھاں تے 2 سرکاری سکولان سمیت 30 تیں متا ڈھانچہ نانہہ نقصان پُجیو ہے مہارا جموں گا نامہ نگار نے خبر ٹوری ہے کہ ضلع پونچھ سن ڈویزن مینڈھر غا کالابن گھراں مانہہ سخت بارشاں کی وجہ سنگ زمین دھسن گئی ہے تے دباتیاں مانہہ ڈر گو ماحول پیدا ہو گیو ہے ان بچوں بہتسارا لوک پہلاں ہی محفوظ جگہاں ور جا چکا ہیں اس سلسلہ مانہہ مینڈھر غا سب ڈویزنل مجسٹریٹ عمران کتاریہ نے دسیو کہ اس ویلے تک 30 کوٹھا 2 سرکاری اسکول ایک مسجد تے ایک قبرستان نانہہ زمین دھسن سنگ نقصان پُجیو ہے۔

\*\*\*\*\*

## VD YATRA SUSPENDED

ماتا ویشنو دیو یاترا اج لگاتار 15 ویں تہاڑے وی بند ہے کیونجے سکت بارش سنگ بہت ساری جگہاں ور پسی پٹی ہیں تے آن جان مانہہ رُکاوٹ پیدا ہو رہی ہے حالانکہ اج موسم مانہہ بہتری غا آثار دس رہی ایہیں لیکن حُکام نے پٹری گا سلسلہ مانہہ حفاظتی خدشات گو حوالو دیتا وں یاترا نانہہ دوبارے شروع کرن غی منظوری نہیں دتی۔ اس طرح ہزاراں یاتریاں نے پوتر مقام توڑی یاترا واسطے سفر گو منصوبو بنایو تھو یاتری سرکاری اعلان گو ہے چینی سنگ انتظار کر رہیا ہیں تے موسم صاف ہون سنگ یاتریاں نانہہ اُمید ہے کہ یاتیرا تاولاں ہی شروع وے غی۔

\*\*\*\*\*

مقامی محکمہ موسمیات نے اچ موسم کی تفصیلی پیشن گوئی کی ہے جس مانہ کئی مقامات ور ہلکی بارش تے گرج چمک گے سنگ آبر آلود رہن گی پیشن گوئی کی ہے آکاشوانی جموں گا نامہ نگار نے خبر دتی ہے جے خطح جموں گا گُجھ ضلاع مانہ ہلکی بارش وی ہوسکیں 12 ستمبر توڑی مرکزی زیر انتظام علاقہ جموں کشمیر مانہ موسم عام طور ور گرم رہن غی توقع ہے اس تیں علاوہ بعض مقامات ور ہلکی بارش ہون گو وی امکان ہے یاد رہ جے 13 ستمبر مانہ گرج چمک گے نال ہلکی تے درمیانہ بارش سنگ جموں کشمیر گا کئی حصاں مانہ متاثر کرن گو وی امکان ہے۔ محکمہ موسمیاتی نے خطرناک مقامات ور پسی تے پتھراؤ گا امکان بارے وی خبر دار کیو ہے۔ جموں سرینگر قومی شاہراہ اج لگاتار 8 ویں تہاڑے وی گڈیاں غی آؤ جائی واسطے بند رہی ہے کیونجے سڑک گی بحالی گو کم چل رہیو ہے اس سلسلہ مانہ بھارتی قومی شاہراہ حُکام جموں کشمیر علاقائی آفیسر آر ایس یادو نے کہیو کہ شام توڑی لوہکی گڈیاں واسطے سڑک کھُلن گا امکان ہیں۔

\*\*\*\*\*

## RAMBAN PM FBV

ضلعی سطح ور رام بن مانہ زرعی محکمہ کساناں مانہ پردھان منتری فصل بیمہ یوجنہ غے تحت تحفظ فراہم کر رہیو ہے یاہ سکیم کساناں مانہ قدرتی آفات تے غیر متوقع خطرات تیں بچان واسطے بنائی گئی ہے کسان زیادہ تیں زیادہ 2 فی صد پرمیم گرمیاں آلی فصلان ور ادا کرے تے 1.5 فی صد پرمیم سردیاں آلی وصالان ور ادا کرے تجارتی وپھل دار فصلان ور 5 فی صد پرمیم ادا کرے۔ آکاشوانی گا خبراں آلا شعوبہ سنگ گل کرتا واں چیف سیگرکلچر آفیسر رامین ونے کمار جندیال نے اس طرح کہیو۔

\*\*\*\*\*

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت گا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی بارڈ کاپی ضروری دستاویزات غے ہمراہ پیڈ ریجنل نیوز یونٹ آکاشوانی پنچترتھی جموں مانہ بزات خود

آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ [www.newsonair.gov.in](http://www.newsonair.gov.in)

\*\*\*\*\*